



REPUBLIKA E SHQIPËRISË
KËSHILLI I MINISTRAVE

PROJEKTVENDIM

Nr._____, datë _____.____.2018

**“MBI MIRATIMIN E RREGULLAVE TË PËRGJITHSHME PËR
PROCEDURAT E DHËNIES TË SË DREJTËS SË KALIMIT PËR
NDËRTIMIN E RRJETEVE TË KOMUNIKIMEVE ELEKTRONIKE
ME SHPEJTËSI TË LARTË”**

Në mbështetje të nenit 100 të Kushtetutës dhe të pikës 4, të nenit 26, të Ligjit Nr. 120/2016 “Për zhvillimin e rrjeteve të komunikimeve elektronike të shpejtësisë së lartë dhe sigurimin e së drejtës së kalimit”, Këshilli i Ministrave me propozimin e Ministrit për Infrastrukturën dhe Energjinë,

V E N D O S I:

1. Miratimin e rregullave të përgjithshme për procedurat e dhënies të së drejtës së kalimit, për ndërtimin e rrjeteve të komunikimeve elektronike me shpejtësi të lartë, sipas tekstit bashkëlidhur këtij vendimi;
2. Forma dhe përmbajtja e Lejes të së drejtës së kalimit është pjesë përbërëse e këtij vendimi sipas Aneksit 1;
3. Ngarkohen organet e qeverisjes qendrore dhe vendore për zbatimin e këtij vendimi.

Ky vendim hyn në fuqi pas botimit në “Fletoren Zyrtare”.

KRYEMINISTRI

EDI RAMA

RREGULLAT E PËRGJITHSHME PËR PROCEDURAT E DHËNIES TË SË DREJTËS SË KALIMIT, PËR NDËRTIMIN E RRJETEVE TË KOMUNIKIMEVE ELEKTRONIKE ME SHPEJTËSI TË LARTË

Neni 1 Objekti

Ky dokument ka si objekt përcaktimin e rregullave të përgjithshme për procedurat e dhënies të së drejtës së kalimit, për ndërtimin e rrjeteve të komunikimeve elektronike me shpejtësi të lartë në pronën publike.

Neni 2 Parime të përgjithshme

E drejta e kalimit, për ndërtimin e rrjeteve të komunikimeve elektronike me shpejtësi të lartë, duhet të ofrohet sipërmarrësve të komunikimeve elektronike, nën kushte të barabarta, objektive, transparente dhe jodiskriminuese.

E drejta e kalimit, për ndërtimin e rrjeteve të komunikimeve elektronike me shpejtësi të lartë, mbi pronën e të tretëve, u jepet sipërmarrësve të rrjeteve të komunikimeve elektronike, bazuar në dispozitat e Kodit Civil dhe legjislacionit në fuqi, duke garantuar përdorimin e pronës, sipas standardeve dhe rregullave të shfrytëzimit dhe të sigurimit teknik të rrjeteve të komunikimeve elektronike.

Neni 3 Përkufizime

Termat e përdorur në këtë rregullore kanë të njëjtin kuptim me atë të ligjit Nr. 120/2016 "Për zhvillimin e rrjeteve të komunikimeve elektronike të shpejtësisë së lartë dhe sigurimin e së drejtës së kalimit".

Neni 4 Të drejtat dhe detyrimet për të drejtën e kalimit

1. Dhënia e të drejtës së kalimit bëhet kundrejt tarifës së përcaktuar me Vendim të Këshillit të Ministrave.
2. E drejta e kalimit përfshin, por pa u kufizuar vetëm në, të drejtën për:

- b) të instaluar dhe mbajtur rrjetin e komunikimeve elektronike mbi tokë, nëntokë, mbi ujë apo nën ujë;
 - c) të ndërtuar dhe mbajtur struktura mbështetëse të linjave, pajisje ndërtuese dhe objekte të tjera të linjës si dhe aksesore shtesë;
 - d) të vendosur linja kabllore në ndërtesa dhe struktura të tjera;
 - ç) të vënë në punë sistemet e listuara në pikat a, b dhe c të këtij neni; si dhe
 - e) të heqë pemët, shkurret, degët e tyre dhe rrënjët e ndodhura brenda zonës së sigurisë së rrjeteve të komunikimeve elektronike, të cilat çënojnë sigurinë e funksionimit të tyre duke respektuar dispozitat e legjislacionit në fuqi për mbrojtjen e mjedisit.
3. Me përfundimin e të drejtës së kalimit, sipërmarrësi i rrjeteve të komunikimeve elektronike është i detyruar të kthejë pronën e përdorur në gjendjen e mëparshme.

Neni 5 Rastet e kufizimit

E drejta e kalimit, nuk ofrohet në rastet kur ajo çënon sigurinë dhe integritetin e rrjetit dhe të pronës, sigurinë kombëtare dhe sigurinë e shëndetit publik. Në çdo rast refuzimi i dhënies së të drejtës së kalimit duhet të dalë me vendim të arsyetuar.

Neni 6 Kërkesat për aplikim për të drejtë kalimi

1. Sipërmarrësi i rrjeteve të komunikimeve elektronike, në momentin e aplikimit për lejen e të drejtës së kalimit, pranë autoriteteve përgjegjëse, duhet të depozitojë informacionin dhe dokumentacionin e mëposhtëm:
 - b) gjeneralitetet e sipërmarrësit ose emri i regjistruar dhe selia e personit juridik, çertifikata e regjistrimit të aktivitetit, si dhe personat e kontaktit;
 - c) autorizimin e përgjithshëm e lëshuar nga AKEP-i për lejimin e ofrimit të rrjeteve dhe shërbimeve të komunikimeve elektronike në Republikën e Shqipërisë;
 - d) përshkrimin e shkurtër të rrjetit ose shërbimit të komunikimeve elektronike;
 - ç) të dhëna të plota mbi pronën ku kërkohet të ushtrohet e drejta e kalimit, përfshirë edhe treguesit hartografikë/gjeografikë, shoqëruar me dokumentacionin përkatës;
 - d) projektin e shoqëruar me një plan të detajuar të punëve që do të kryhen, ku përfshihen veçanërisht qëllimi, natyra dhe përshkrimi i punimeve të kërkuara, afatet për kryerjen e këtyre punimeve dhe dokumentat grafike ku evidentohen ndërhyrjet e propozuara;

- dh) afatet e parashikuara për realizimin e planit të punëve të parashikuar në shkronjën 'd', të këtij neni dhe kohëzgjatjen e punimeve;
 - e) vërtetimin e disponimit të mjeteve të nevojshme financiare për përfundimin e veprimtarive të planifikuara;
 - ë) garancitë financiare për shpërblimin e dëmit;
 - f) çdo dokument tjetër nevojshëm, të përcaktuar paraprakisht dhe të njoftuar nga organi i qeverisjes vendore.
 - g) të lëshojë një deklaratë ku të konfirmojë se çdo pajisje e komunikimeve elektronike e instaluar nën tokë, do të jetë në përputhje me kushtet teknike për ndërtimin e infrastrukturës së rrjeteve të komunikimeve elektronike sipas legjislacionit në fuqi.
 - h) të informohet nga autoritetet përgjegjëse mbi ekzistencën e rrjeteve ekzistuese të komunikimeve elektronike dhe të sipërmarrësve zotërues të këtyre rrjeteve me qëllim shmangien e dëmtimeve në infrastrukturën e rrjeteve të tjera.
2. Format i tip i kërkesës jepet në aneksin 1, të këtyre rregullave.

Neni 7

Lehtësimi i procedurës

Në rastin e aplikimit për ndërtimin e një rrjeti të ri, aplikimi për të drejtën e kalimit dhe për marrjen e lejes së ndërtimit të rrjetit apo të elementëve të tij do të konsiderohen njëherazi nga autoriteti përgjegjës.

Neni 8

Afatet për të drejtën e kalimit

1. Autoriteti përgjegjës për dhënien e së drejtës së kalimit shqyrton aplikimin brenda shtatë ditësh nga paraqitja e tij dhe njofton aplikuesin nëse ka nevojë për plotësim të dokumentacionit brenda 10 ditësh nga aplikimi.
2. Autoriteti përgjegjës për dhënien e së drejtës së kalimit, pas shqyrtimit të dokumentacionit të depozituar nga sipërmarrësi i rrjeteve të komunikimeve elektronike, merr vendimin për miratimin ose refuzimin e së drejtës së kalimit jo më vonë se 30 ditë nga aplikimi i plotë.

Neni 9

Vendimi për të drejtën e kalimit

1. Vendimi i Autoritetit Përgjegjës për miratimin e kërkesës duhet të përmbajë:

- a) shprehimisht miratimin e kërkesës për përfitimin e të drejtës së kalimit dhe arsyet e marrjes së këtij vendimi;
 - b) të dhënat e sipërmarrësit të komunikimeve elektronike dhe llojin e veprimtarisë së tij;
 - c) treguesit gjeografikë/hartografikë të sipërfaqes mbi të cilën do të ushtrohet e drejta e kalimit;
 - ç) afatin e fillimit dhe përfundimit të punimeve për ndërtimin e rrjetit të komunikimeve elektronike;
 - d) mënyrën e shpërblimit të dëmit;
 - dh) mënyrën e ushtrimit të së drejtës së kalimit;
 - e) sipas rastit detyrimin e sipërmarrësit për të lejuar përdorimin e përbashkët të rrjetit ose deklarin se përdorimi i përbashkët është teknikisht i pamundur;
2. Vendimi i Autoritetit Përgjegjës për refuzimin e kërkesës duhet të përmbajë:
- a) shprehimisht refuzimin e kërkesës për përfitimin e të drejtës së kalimit dhe arsyet e marrjes së këtij vendimi;
 - b) të dhënat e sipërmarrësit të komunikimeve elektronike dhe llojin e veprimtarisë së tij.
3. Sipërmarrësi nuk mund të paraqesë kërkesë të re me të njëjtin objekt dhe shkak nëse Autoriteti Përgjegjës ka vendosur më parë refuzimin e kërkesës, përveçse kur ndryshojnë rrethanat e marra në konsideratë në vendimmarrjen e tij të parë si dhe, kur parashikohet ndryshe në ligj.

Neni 10

Ankimi në rast refuzimi

Kundër vendimit për refuzimin e së drejtës së kalimit, aplikuesi ka të drejtë të ankohet pranë gjykatës administrative kompetente, sipas legjislacionit në fuqi.

Neni 11

Detyrimi për informim

Sipërmarrësi, i rrjeteve të komunikimeve elektronike, pas miratimit të lejes së kalimit dhe pas ndërtimit të rrjetit komunikimeve elektronike me shpejtësi të lartë, duhet të depozitojë pranë autoritetit përgjegjës dhe AKEP, planimetrinë e rrjetit të ndërtuar.

Neni 12

Kërkesat për ndryshime

Sipërmarrësi i rrjeteve të komunikimeve elektronike, ka të drejtë të kërkojë modifikimin, rinovimin ose revokimin e lejes së të drejtës së kalimit, sipas rregullave të miratuara nga autoritetet përgjegjëse.

Neni 13 **Garantimi i transparencës**

Autoritetet përgjegjëse publikojnë rregullat për procedurat e dhënies së të drejtës së kalimit në faqen zyrtare të internetit dhe/ose në mjediset e ofrimit të shërbimeve.

Autoritetet përgjegjëse caktojnë pikën e kontaktit për të drejtën e kalimit për ndërtimin e rrjeteve të komunikimeve elektronike me shpejtësi të lartë.

(Model)

LEJA E TË DREJTËS SË KALIMIT

Autoriteti qendror/Autoriteti vendor _____

LEJE PËR TË DREJTËN E KALIMIT

Nr. _____ **prot., Datë** ____ . ____ . ____

1.	Të dhënat e sipërmarrësit të komunikime elektronike (emër, adresa, NIPT)	
2.	Të dhënat e pronës (zona kadastrale, lloji i pronës, etj).	
3.		
4.		
5.		
6.		

Data ____ . ____ . ____